

**Assertiones Philosophicæ Fusius Deductæ Philosophiæ
Peripateticæ communioris Epitomen exhibentes**

Leuren, Peter

Coloniae Agrippinae, 1681

xxxviii [i.e. i]. Unio est quid distinctum à materiâ & formâ.

[urn:nbn:de:hbz:466:1-71607](#)

mortuum respectu vivi æquivocè corpus, non præcisè in ratione corporis organici, sed in ratione instrumenti proximè apti ad actiones vitales eliciendas, sic enim connotat animam.

DISSERTATIO QVINTA

De Unione.

I. **U**NIO est quid distinctum à materia & forma; in productione enim hominis datur actio generativa distincta à productione materiæ & formæ, quæ creantur hujus actionis assignandus est terminus, hic aliis esse nō potest, quām unio. Præterea implicat, rem transfire à denominatione reali ad denominationem realem priori contradictoriam; V. G. materiam & animam D. Petri, quæ jam denominantur non unita, transfire ad denominationem contrariam & denominari unita, quin pereat, vel de novo ens aliquod producatur, nullum autem hīc ens perit; ergo aliquod de novo producitur, & hoc aliud non est, quām unio. Demum possunt materia & forma existere & non uniri, seu separari ab unione. Nequæ approximatio est condi-

conditio , ut materia & forma uniantur se-
ipsis , sive ut existat unio identificata ma-
teriæ & formæ , quia non est conditio , ut
existat materia & forma , adeoq; nec est
cōditio alicujus cum materia & forma iden-
tificati ; neq; dici potest , esse conditionem ,
non ut unio identificata materiæ & formæ
existat secundūm entitatem , sed ut existat se-
cundūm formalitatem , id est , ut actu exer-
ceat officium uniendi ; Nam unio secundūm
physicam suam entitatem , & unio secundūm
formalitatem seu exercitium uniendi non
distinguuntur ; cùm unio sit ipsum actuale
exercitium uniendi . Multò minus consistit
unio in ista approximatione seu intima præ-
sentia formæ cum materia ; alias compo-
situm substantiale constitueretur per acci-
dentia , qualia sunt istæ duæ ubicationes
materiæ & formæ ; imò motum semper
esset aliud & aliud ; cùm ad quemcunq;
motum istæ ubicationes mutentur ; neq;
posset cōpositum unum cum alio penetrari ,
quin continuò unius materia cum alterius
forma uniretur , adeoq; Christi corpus pene-
trans lapidē sepulchralem , illi unitum fuisset .
Jam verò si dicatur , præter approximationē

c 6 loca-

localem requiri approximationem virtutis: an illa erit quid distinctum à materia & forma , an non ? Si dicatur , requiri præterea dispositiones ad formam , jam accidentia ingrediuntur constitutionem totius substancialis ; conditio enim esse non possunt , ut materia & forma uniantur se ipsis, sicut conditio esse non possunt , ut existat materia & forma. Si dicatur, requiri præterea, ne alia materia vel forma cùm priori materia & forma existat in eodem loco , jam negatio vel absentia alterius formæ vel materiae ingreditur compositum substantiale , & non possunt duo composita penetrari , quin hoc ipso singulorum pereat unio. Si requiratur præterea dependentia formæ à materia , aut exercitium actionis vitalis in materia , jam requiritur iterum accidens ad constitutionem substantiae , & aliquid , quod omnibus compositis non est commune.

II. Non est tamen unio formaliter ipsa
eductio formæ materialis è subjecto ; hæc
enim eductio est accidens & prior naturâ for-
mâ ; unio autem, utpote ingrediens rationem
totius substancialis, debet esse substantia, &
sue